

書

大唐開元占經卷之九十七卷

雲氣

太公曰凡興軍動衆陳兵天必見其雲氣以定安危
故勝則可預知也其軍中有知時氣者以厚寵之
常令清晨或日午察彼軍及我軍之上氣色皆須
記之若軍上氣不勝盛嚴加脩守輒勿輕戰戰則
不足守則有餘察氣者軍之大要常令三五人乘
馬登高若雲氣臨下察之明暗潤澤乾枯顏色進
退鳥獸形狀冲抵背向占之以氣為候

凡興兵動衆忌大風雷而陰不見日

凡氣初出如甑上氣勃勃然上積為霧霧為陰陰氣結為虹霓暈珥之屬如不積不結散漫一方不能為災必和若襍殺氣森森然疾起乃可論占常以平旦下晡日出沒時候之期內有風雨災不成或有黑氣如幢出於營中上黑下黃敵欲來戰無誠實言及九日內必覺宜脩之吉

凡日月陰沉無光不雨或十日晝夜無光不見日月大又陰不雨下謀上也

凡敵上氣黃白潤澤者將有威德或軍上氣發漸漸如雲變作山形將有深謀或敵上氣黑中有赤在前者其將猜悍皆不可擊

凡氣上與天連軍中將賢良 以上賢將之氣也

猛將氣

凡氣如龍如虎或如火烟之形或如火光之狀或如山林或如塵埃頭尖而卑或氣黑如門上之棧此皆猛將之氣也

凡敵上氣青而疎散者將怯弱前大後小將怯不明

凡軍上氣渾渾圓長赤氣在其中或有氣如赤杵在
黑雲中皆有伏兵隨氣所在防之或有絞絞綿綿
此以車騎為伏兵或有雲如山岳在外伏兵不可不審也
為伏兵或有雲如山岳在外伏兵不可不審也

降城氣

凡降人之氣如十十五五皆义手低頭降人之象或
有氣上黃下白名曰喜氣所臨之軍欲求和退若
風不旁勃旌旗暈暈順風而揚舉或向敵終日軍
行有功勝之候也

勝軍氣

凡敵上氣如山堤上林不可與戰在吾軍大勝或如
火光亦大勝

或敵上白氣岔沸如樓緣以赤氣者兵勁不可擊
在吾軍必大勝

或敵上氣黃白原潤而重者勿與戰

或遙視軍上雲如聞雞赤白相隨在氣中得天助
不可擊兩軍相當上有氣如蛇舉首向敵者戰勝

軍營氣

凡軍營上有五氣上與天連此應天之軍不可擊有赤黃氣連于天亦不可攻

或有雲如日月而赤氣繞之如日暈拱狀而有光者所見之地大勝不可攻之也

敵上氣如虎狀不可攻之

若逆風來應氣旁勃牙旗陰折不見日旌旗激揚軍敗之兆也

若雲氣從敵所來終日不止吾軍不可出則不利若風雲俱來此為敗候在急也

城中氣

凡城中有白炁如旗者不可攻之

或有黃雲氣臨城有大喜慶

或有青雲如牛頭觸人者不可攻城慎之

或城中氣出東方其色黃此天弑也不可攻伐若

伐之者死

或城上氣出如火烟之狀主人欲出戰其氣無極

者不可攻之

或氣如杵從城中向者內兵突出主人勝不可攻

或城上有雲分為兩慧慧狀者攻不可得

圍城氣

凡攻城圍邑過旬日不雷雨者其城有輔助疾去之勿攻也此皆勝氣

凡攻城圍邑赤氣在城上黃氣四邊遠之城中有大將死城降

城上有赤氣如飛鳥擊之可破矣

或有氣出入者人欲逃之

或有氣如灰氣出如覆其軍上者土多病城屠

城上無雲氣士卒散

城營上有赤雲狀如衆人頭下多死喪流血

攻城有白氣繞城而入者急攻可得若有曲虹從城外入城三日內城屠此皆敗氣也

敵上有雲如車蓋不可擊

若有雲氣如雙青蛇雲氣去之可擊大勝

伏兵氣

伏兵氣如幢節在黑雲中轉高銳不可擊
城營上見有雲如雄雞城必降

邊城雲如蛟龍所見處軍將失魄

敵上有雲氣如引素如陣前銳或白黑色有謀青色有兵赤色有反黃色急去

敵上有氣如牽牛不可擊有雲如坐人赤色所臨必有卒兵未至驚恐須臾而去

氣如塵埃前卑後高者將士精銳不可擊之

凡兩敵相對將軍當訪察軍中喜相者氣厚寵之當令清朝或日中時察彼軍及我軍上之氣以紙筆錄記上將軍將軍察之若我軍上氣不善但警備

鎮守勿接戰敵或在東西南北每庚子戊午辰未日可登五丈高臺去一里占之凡百人以上便有氣氣如隄坂前後摩地避之勿擊

敵上氣如塵埃粉涕其色黃白如旗幢暉暉然無風而動將士勇猛不可擊我軍如此亦不用戰而勝也

對敵或有氣未甚卑不應覆人上而掩溝蓋道者大賊必至食不及飽宜戾備之

軍勝氣

凡雲起王相者吉凶死者凶有勝無實勝虛高勝
下澤勝枯長勝短厚勝薄我兵在西賊兵在東西
高東下西厚東薄西澤東枯西長東短則我軍勝
之也

兩軍氣

兩軍相對遙見軍上有氣紛紛勃勃如烟如塵賊
凶大敗

軍營之上十日無氣者其軍必敗

若我軍無氣將應修德撫士衆存問寒暑警誡固

守若有赤色氣如火從天下入軍中軍亂將死有

黑氣如牛猪者瓦解之氣也軍必敗之

若兩氣蒙圍城有入處者外兵當敗入若有出者
內兵當突出

凡氣安則軍安氣動則軍不安氣四散去軍破且
敗其氣如群羊擊之必大尅

兩軍相當有氣如飛鳥徘徊在我城上或來而高
者兵銳不可擊

兩軍相去十里內三里外軍上無氣是死兵擊之

必大勝也

兩軍欲戰視彼軍氣氤氳如焚生草之烟者初必
精銳不可當待其氣散擊之必勝其氣黑出如山
若帶黃是謝氣敵人自降

遊兵氣

遊兵氣如彗雲掃除或數百萬丈蔓蔓無根本
敗兵之氣如破車如人無手足頭臂

軍中若下輕其將妖恠並作衆口相惑修德審令
繕礪鋒甲勤誠警士以避天怒然後復擇吉日祭
牙旗其太守之饜震鼓鐸之音誠心啓請以脩天
問觀其祥瑞妖恠以應也

若人馬喜躍旌旗皆前指金鐸之聲揚以清鞞鼓
音起以鳴此得神明之助特以安衆心乃可用矣

大唐開元占經卷之九十七卷終

大唐開元占經卷之九十八卷

虹蜺占

春秋元命苞曰陰陽交為虹蜺

漢書曰虹蜺陰陽之精也

如淳曰雄曰虹雌曰蜺一曰色著為虹色微為蜺

月令季春之月虹始見爾雅曰蜺謂之虹也

京房曰虹旁角也蔡氏月令章句曰虹蜺也

陰陽交接之氣者著於形色者也雄曰虹雌曰蜺

常依陰晝見於日衝無雲不見太陰亦不見蜺常

以象濁見於日旁白而直者曰蜺九曰旁者四時
常有之唯雄虹起季春見至孟冬乃藏

爾雅曰蜺為挈或郭璞注云蜺雌虹雄也挈或蜺
別名說文曰蜺屈虹青赤或白色陰氣也

合誠圖曰虹視主惑心

潛潭巴曰虹視主內淫

春秋緯曰虹視者斗亂之祥也主失度主惑言虹
蜺見雨即晴旱即雨謂久雨虹見即晴久旱蜺見
即雨也

京房曰凡蜺者陰撓陽也后妃無德以色親君
維罪級曰蜺出不言內后妃亂

蜺三出三已三辰除之除即日雨

韋昭曰三辰從寅至辰也

詩曰帶疎在東莫之敢指朝降于西當朝其雨
毛氏曰夫婦過礼則虹氣盛

元命包曰世惑臣謀則虹舒起

高宗八節占曰虹以左春日起至四十六日內出
正東貫震中春多雨夏多火災秋多水民流亡冬

多海賊

虹以春分四十六日內出東南貫巽中者春大旱
災兵起

虹以立夏夏四十六日內出正南貫離中大旱火災
麻貴獨甚

虹以夏至四十六日內出西南貫坤中小細水虫
為災食谷魚不滋

旱
虹以立秋四十六日內出正西貫兌中秋多水冬

虹以秋分四十六日內出西北貫乾中秋多大水
虎為災食人廷賊生

虹以立冬四十六日內正北貫坎中冬少雪春多
水災

虹以冬至四十六日內出東北貫艮中春多旱夏
多火粟貴

京房曰虹春出西方黑雲復之憂多大水 白雲
復之夏多風 青雲復之夏多寒民病瘡瘟病者
赤氣復之夏多旱 黃雲復之夏大安

虹夏出西方黑雲復之秋多雨 白雲復之冬多
風 青雲復之冬多寒民病瘟疫及瘡 赤雲復
之秋大旱 黃雲復之秋大收

虹秋出西方黑雲復之冬多雨雪 白雲復之冬
多風 青雲復之冬多寒民瘡疾病瘟 赤雲復
之冬大旱 黃雲復之冬糴大賤

虹冬出西方黑雲復之春多雨 白雲復之春多
狂風 青雲復之春多寒民病瘡若病瘟 赤雲
復之春大旱 黃雲復之春雨和調

虹出南方無春夏秋冬所見之處不出三年民流
亡不歸收築風雨不時民饑

虹出北方雨陰陽不調當雨反旱當旱反雨冬夏
不和萬人大愁所然之國必有賞幼孫者其歲多
疾病夏小雨冬荒不出三年所見之國民守其倉
暴骨惶惶哭泣相望童子行行大旱二百八十日
乃雨所然之國尤甚

易飛候曰虹凡相有五法蒼無胡虹也赤無胡者
蚩尤旗也白無胡者蜺也衝不屈者天杵也直上

不訕者天格也此為五虹矣以甲乙日出東方歲
饑谷大殘人食人丙丁日出南方天下大旱庚辛
日出東南甌釜不見邑多空戶五步六死人壬癸
日出北方人民相食

虹四月五月六月出西方變貴七月八月出西方
粟貴九月出西方小豆貴十月出西方稻貴一出
一倍再出再倍三出三倍四出四倍五出五倍飢
民流千里十月虹出東北者其國亡
虹出橫至上及入又不曲正直者不出九十日民

多病死不出三年大旱民流亡所然之國尤甚
虹出直上行名曰章所出之處民多病而死民多
殍者不然大旱千里民多妖言所然之國尤甚又
曰溫而不雨

虹出無處者下情不功之事也

溫而虹出人家屋姪婦多死家破敗

天王道之始先正夫婦夫婦正則及父子親父子
親則君臣忠君臣忠則化行王道之興無不以德
衰無不以德衰無不以危天見變異以為戒欲其

覺悟故為虹蜺之異所以謹告人君也后專夫權
民苦刑殺人妖君之行故虹蜺五色也

韓詩曰蝮竦刺奔女也蝮竦在東莫之敢指蝮竦
方名也詩人言蝮竦在東者邦邑乘陽人君淫妖
之微臣為君父隱諱故言莫之敢指刺非奔女奔
淫洙以成家室之背指女也

抱撲子曰屈虹見城上其下必大戰流血屈虹從
城外入城中者三日內城可屠

黃帝曰攻城有虹從外入飲城中者從虹攻之勝

郁萌曰城上有交頸虹城可攻

潛潭巴曰虹五色迭至照于宮有兵革之事

張潘漢記曰靈帝時虹晝見殿前其色青赤小人
女子之祥也

靈帝光和元年有黑氣隨北宮溫殿東庭中如車
蓋隆起奮迅五色有頸長十餘丈形貌似龍上問
蔡氏氏對曰所謂天投蜺者也不見足尾不得稱
龍至中平元年黃巾賊張角兵起宮車宴駕

五行志曰后妃有專覲再重赤而專至旱

注云專者貞也

潛潭巴曰五虹俱出天子誅

感精符曰九虹俱出五色從橫或頭衝尾或尾絕節九女並為后妃相爭女謁亂行人主失威天下交兵

京房曰蜺有九皆主身也專君者以色專愛及專君事也

易卦驗曰虹不時見女謁亂公虹者陰陽交接之氣陽昌陰和之相象今失節而見者似人君心在房內不修外事廢禮失義夫人淫慾而不敢制故

女謁亂宮

地鏡經曰虹從池井出若飲於池井中國空虛

易妖占曰虹出君池若燕王只井中飲井之水井水竭只後誅

周書時詞曰清明後十日虹始見不見婦人色亂小雪之日虹藏不見若虹不藏婦不專一小雪之日虹藏不見若虹不藏婦不專一孔演圖曰地歐魄承天而敗皆臣子逆地歐魄土中羅出也

抱撲子曰赤虹見城上其下兵戰血流

易飛候曰赤虹如注萬人死其下白虹亦然
運斗樞曰帝危不聽政赤虹填門注云君不能聽
政故虹貫塞主門以絕之也

文曜均曰齊舉管夷吾虹貫牛山趣齊去婦母近
妃宮齊候大懼更立賢輔宋均曰出君位而陰氣
貫之君惑於妻館之象故夷吾勸去之也

虹蜺貫日

京房對災異曰虹蜺近日則姦臣謀若貫日則客
伐主其免救宜釋女樂戒非常正股肱納賢良

雜罪級曰虹刺不言內妾恣

京房曰臣傷君不救國君忘亡

易飛候曰赤虹與日俱出其所之有急

甘氏曰赤虹出日左人凶

白虹

易候曰白虹見其下有血流

晉天文志曰白虹者百殃之事衆亂所基

白虹霧奸臣謀君擅權主威奪

夜霧白虹見臣有憂 晝霧白虹見君有憂

虹頭及至地流血之象也

黃帝曰白虹遠城不匝從虹所在擊之勝其決賊

反從其地破走

抱撲子曰白虹見於城上其下軍戰血流

京房曰秋有白虹一雙出西方急備陣兵待之其

赤氣依傍者必有獲城

白虹貫日

感精符曰宰相之謀欲有國則白虹貫日毀滅息

摘心辟曰白虹貫日四夷為禍主恐見伐

白虹貫日天子將排 荊州占曰臣殺主

甘氏曰日旁有白虹衝曰在東方東方反在西方

西方反在四方皆然期不出五年中有臣倍其主

者色白大將死色赤大夫出一曰有反臣

白虹貫日近臣為亂諸侯有欲反者赤黑虹尤甚

期不出三年

維罪級曰白虹貫日近臣亂勝人主

易妖占曰白虹貫日為喪為兵

京房對災異曰虹蜺貫日客殺主專君位大臣乘

樞不救之則兵至宮殿戰

詩雅度覽曰白虹雙出日中其妻以貴嬌夫

白虹在日側黑蜺霏之氣正直妻不從正蜺與日

會婦人擅國蜺奪日明而火溫溫而尊卑不別

雒陽占曰荆軻慕燕丹之象白虹貫日太子畏之

燕太子丹秦始皇遇之無禮丹亡去故厚養軻令

刺秦王

精誠惑天白虹為之貫日不蔽曰吾事不成矣

後漢唐積永建五年舉孝廉除郎中時白虹貫日

因上便宜三事陳其咎徵書奏棄官去之

列宿虹蜺出

郝萌曰虹與日俱出房心間諸侯王死期三年內

甘氏曰虹出牽牛之度必有壞城期二年

陳卓曰虹出女后族專權謀殺為害

洛書曰天無雲有赤蜺遠昴畢從昴東北角西行

臣主相謀伐

摘七辟曰蒼雲白虹圍軫亡之戒也

運斗樞曰后族專權虹貫太微

大唐開元占經卷之九十八卷終

大唐開元占經卷之九十九卷

山崩

尚書中候曰山崩水潰納小人

運斗樞曰山崩者大夫排主陽毀失基

考異曰山者君之位也崩毀者陽失制度為臣所犯毀

保乾圖曰山崩道散一曰山崩修北斗七政之事
輔豪傑除惡去毒

董仲舒對災異曰山者陰類崩者忠貞離叛臣蔽

主之善使恩澤不流怨恚壅隔人民乖散之象也
任賢良使忠貞以救之

地鏡曰山崩人君位消國政暴不出三年有兵奪
之

京房曰山崩陰乘陽弱勝強大辟國亡

一曰山崩君失政女戚擅權五年敗

邑山崩者邑有戰主亡或大水

京房對災異曰山者三公之位台輔之德也乃興
雲出雨漫激萬物助天成功今崩者此謂大臣懷

叛不忠也

地鏡曰山春崩國有伐城夏崩天下有水國主亡

秋崩有大兵起冬崩年中大饑

易妖曰山以春崩亡邑有拔城以秋崩人主惡之

以夏崩人主有亡天下大水以冬崩多饑兵起

山以三月崩其邑戰以八月崩有兵以十一月崩

主降係民從而行 一曰山崩絕輔臣亡

河圖秘徵曰候恣權則邑土崩

春秋魯僖公十四年沙麓崩卜偃曰將有大咎幾

亡國谷梁曰林屬於山曰沙林麓其多也

公羊曰沙麓河上邑也

班固天文志曰沙麓晉地沙山名也震而麓崩不
書震舉重者也

杜預曰沙麓山名也陽平元城縣東有沙麓山

劉向洪範傳曰崩者陷而下也麓在山下平臣象
住也崩者臣下皆叛不事上之類也夫山者君之
象也麓者臣之象也故沙麓崩者臣將叛也沙麓
卑地無顏而崩其異甚矣

春秋緯魯成公五年梁崩谷梁曰河壅三日不流

晉君率群臣素服而哭之河乃流

左傳曰晉侯以傳召伯宗台宗辟重曰辟傳重人
曰待民不如捷之速也問其所曰絳人也絳事焉
曰梁山崩將召伯宗謀之問將若之何曰山有朽
壞而崩可若何國主山川故山崩竭君為之不舉
降服乘縵撤樂出次祝幣史辭以禮焉其如此而
已雖伯宗若之何伯宗請見之不可遂以告而從
之

洪範曰山者陽之位人君之象也水者陰之象也
民之類也崩者壞沮也壅者不得其所也
若語曰人君權威將崩壞下亂百姓將不得其所
也至於以喪禮泣之哀哭泣然後流喪亡之象也
劉歆曰梁山晉望也古者三代命祀祭不越望吉
凶福禍不過是也國山川山崩川竭亡之徵也
漢文帝元年齊楚之山二十九所同日俱大發水
大潰

洪範曰山者君之象一曰諸侯位也水者陰之類
言衆盛強沮俱潰敗君之効也
一曰諸侯沮俱自壞敗也

漢武帝時未央宮前殿鍾無故自鳴三日三夜不
止於是帝召大夫待詔王期問之曰恐有兵氣帝
更問於東方朔曰夫銅者土之子土者銅之母以
陰陽氣類言之子母相感動山恐有崩墜者是以
鐘先為之鳴故易曰鳴鶴在陰其子和之精之至
也帝曰應在幾日朔曰在後五日居三日南郡太
守上書言山崩丞相以聞帝曰善乃賜朔帛三十

足 考異郵曰山之亡主沉溺

山移動 山亡 山鳴 山出光 山石生

地鏡曰山移是謂德不重直臣去佞人用政在女
主不出五年有走王

山無故自從天下兵社稷亡

山徙是謂非分不出三年西方兵起

山石忽自動及相物累及大小移轉或温或血為

天下兵乱 山無故亡人君失位

山無故晝夜有聲如哭者天下兵喪

山有長光臣有不祥

潜潭巴曰山忽有長光臣下不良

地鏡曰石忽生赤色如血諸侯不助時父子道絕

山石变化 石生水中

地鏡曰山中見異類物非人所常見者各有形各
有音聲皆為其邑大水或饑兵革行城邑亡
山忽化為人形及六畜飛鳥形皆為天下虛

石化為人君絕祠

石如人形庶雄持政如禽形諸侯興兵有誅行形

如飛鳥外戚女主近臣謀反
山忽生於石上邑出王石生正方三公外謀不出
三年逆兵起

石生重纍不出五年相謀逆且成

石生徃徃如聚不出五年兵謀行

石生水中上見者近相謀逆與女主連不出八年

兵行

石生廟邑墳塚自音聲

地鏡曰石生於都邑人君去故就新三年內易政

石生宗廟中人君不行先王法度不出三年易主

石生而隕墜雄烈敗

墳塚無故自有音聲天下大兵起

塚自移 塚自陷 塚樹自死

地鏡曰塚自動天下分破 塚自陷天下移

塚樹自死天下易主

光

河圖曰聖人起昌光耀見

元命包曰有瑤光貫月感女樞生顛頊

女樞見此而意感也

河圖曰瑤光如虹貫日正日感女樞出房之宮生
帝顓頊

漢書曰或帝封禪夜有光盡有白雲封中
天封之禪晝有白氣夜有赤光

郊祀志曰武帝幸汾陰汾陰男子公孫傍洋等見
汾陰傍有光如絳上遂立后土祠於汾陰

又郊太一祠上有光封禪太山其夜有光

宣帝祝世宗廟神光與於殿傍神光又與於房中
如燭狀廣四圍世宗廟殿上有鍾音房大開夜有

光殿上如晝明

東觀漢記曰安帝祕在郎第數有神光照耀室內
學軼寺語識曰言劉氏當復起李氏為輔遂市兵
弩絳衣亦歸舊廬望見廬南有若火光以為人持
火呼之光遂熾重赫然上屬天有頃不見其異之
太原記曰武呂光子世生以石氏建武四年夜有
光耀舉舍異之名曰光

吳錄曰武烈皇帝姓孫氏名堅字文台吳郡富春
人漢季也墓上數有光雲五色上屬天

異苑曰孫堅喪父行喪地忽有一人曰君為欲百世諸侯為欲四世帝乎曰四世此人因指一處而沒既塋塚上常有怪

抱撲子曰有赤如光如火從天耒下入軍亂將死郝萌曰有光如日月見虛為男子之祥

有光如蛟龍見營室為子之祥

後秦記曰姚襄將貴符廣眉戰謂將軍

王欽盧田吾數行常有異光引吾前狀如尊血身數日耒忽復不見意惡之此何祥也欽盧不對即

與眉戰眉死於陣

大德堂
大唐開元占經卷之九十九卷終

大唐開元占經卷之一百卷

醴泉河移

瑞應圖曰醴泉者水之精也王者得地理則出有
仙人以爵之

運斗樞曰旋星得則醴泉出

地鏡曰河移是謂陰反不出五年有叛臣兵行民
流亡 河徙一里至三里是為失政且有謀臣
河徙至五里十里女主執政外戚有背叛
河徙十里以上人君失道政在下臣

九德堂
流水忽易道君易賢

水湧溢 水竭

地鏡曰河盈溢不出三年國有憂

水忽自盈起君凶且有大水

運斗樞曰帝壯而奪勢水決壞山註曰壯年健時

見奪勢故水決壞山言陰姦行君危也

漢書曰成帝建始二年北宮井水溢出王莽之徵

成帝時御史府舍百餘區井水俱竭

霍頭第中井水流庭霍氏遂亂

王隱晉書大興元年河水竭斷百步兩頭深淺如

故中絕不流

後魏書曰前廢帝普大元年司徒府太倉前井並

溢占曰民遷流之象至永熙三年十月都遷於鄴

地

地鏡曰井水流出地若理絕者臣驕猾兵方起

京房易候曰涌水無處必流殺人七日七年聖人

滅

晉咸安元年濤水入石頭城殺人俄而海西公廢

大元十三年十二月戊子濤水入石頭城殺大舡
沉殺人巳亥江水湧起建康秣陵江渰沒殺人陰
旺之應也

北燕錄曰龍城東溝竭積年夏四月溝中潰起有
聲俄而泉湧出

閔尚曰溝中墳起所謂深谷為陵泉湧出所謂百
川沸騰陰勝之所致也

國及家井自沸溢君將亡復之兆期三十日
水忽自竭邑虛不吉

都邑中水無故自絕及易處者邑人從亡

河壅

地鏡曰河大壅下臣執政或主大水色變不出六
年易王女主亡

漢書五行志曰水北方終藏萬物者也其於人道
命終而形藏精神放越聖人為宗廟以收魂氣春
秋祭祀以終孝道若不敬鬼神政令逆則水失其
性百川逆溢壞縣鄉邑滄溺人民及淫雨傷稼是
水不潤下 尚書大傳曰簡宗廟不禱祠廢祭祀

逆天時則水不潤下也

潜潭巴曰河水逆流怨氣甚

地鏡曰水逆流是謂道逆不出二年兵從女主起
國語曰靈帝二十年谷洛水閉毀王宮

漢五行志曰谷洛水閉劉向以謂近火冷水以傳
推之四瀆比諸候洛其次卿大夫象卿大夫將分
爭以危王室也

水忽不流婦人惑政亂令廢不出五年亡國水一
年不流有反臣

地鏡曰流水忽停天下饑停水流天下兵

漢桓帝永興二年彭城泗水增長逆流

永壽元年六月雒水溢至津城門流物是時皇后
兄冀秉政疾忠直後遂誅滅

水赤臭水血

京房易妖曰宮水化為血七日七年聖人滅

古今注曰安帝延平六年河東水化為血

異苑曰沸沸虜都長安端門外井人常宿汲信水
甕中夜砰礧有声視水如血中有舟魚長三尺而

有赤光国尋滅

京房易候曰水自赤光如血其国有流血
地鏡曰水赤如血色有流血

晋朝雜事曰元康六年彭城泗水赤如血

京房對災異曰河水赤者獄有冤恨誅殺不當則
致河水赤也若解救正獄刑解疑罪可免咎

人君酒於酒淫於色賢人潛国家危厥異流水赤
漢五行志曰秦武王三年渭水赤

漢書曰廣陵王胥宮中池水赤魚死王為事謀

後魏書曰太祖登國中河南有虎七卧於河側三
日反去後一年蚩鯀白鹿盡渡河北後一年河水
赤如血此衛辰滅亡之應及誅其族類悉投之河
其地遂空

地鏡曰井水赤邑空虛相攻主亡
水黃濁

地鏡曰君井若黃濁政令不明

清水忽自濁天下將死

国及家井濁皆君主將亡復之期三十日

水清

易乾鑿度曰孔子云天之將降喜應河水清三日清變白白變赤赤變黑黑變黃各三日河水安天下乃清

漢書曰延喜九年濟陰東郡濟北平原河水清襄楷上言河者諸侯之象清者陽明之徵豈諸侯有窺京都計和其明年桓帝晏駕徵解濟亭侯為漢嗣是為孝靈皇帝

水無魚

地鏡曰澤水無魚天王無居

水鳧

地鏡曰國及家井水鳧君將亡復之期三十日吳志曰諸葛恪將誅 盪潏聞水腥鳧侍者授衣衣服亦鳧恪去其故易水易衣其鳧如初

水出高山

禮記威儀曰君乘土而王其政太平則蒙水出於山上

京房易俱曰水無故高山上出之色 兵起

地鏡曰山石岸有水出主有謀不成水忽自出山上兵且作

水出朝市

地鏡曰水忽出於朝市兵且作

京房易候曰水無故市中出色兵大作

水沸

地鏡曰君井湧沸宗廟大隳

單子曰夏傑德衰岱山泉沸

京房易曰泉水沸此謂賤人將貴王者不顧骨肉

不親九族厥德亡泉涌沸

京房對灾異曰江河沸者有声無實此謂執政者

懷姦務事不公衆和並聚則政危矣此災不救必

有謀叛君者其救之令百官舉公直選有德置於

國政稍解

井水沸者謂人君親姦用諛敗政也

崔顓易林曰井水沸不可安居

水中火出

京房對灾異曰水中火出所謂陰氣溢亡陽施也

女妃無陽則敵氣溢至水中火出不救有天殃陰
害陽其救也正妃妾率後宮施命令詰四方嫁貞
女賜繅寡此災即消

水鳴

地鏡曰澤水忽自鳴百姓哀若作金声土地分裂
国及家井有音声皆君主將亡復之期三十日

水出異物

地鏡曰凡水中忽見異物皆為大旱

井水自出

瑞應圖曰井不鑿自成王者清淨則井水自流出
或有仙人至之徵也

井中氣出

地鏡曰井中氣出上叩天而王走民間国大衰損
軍兵大起

澤枯

京房曰澤枯歲貧国易臣不出三年大乱

火不炎上

尚書太傅曰棄法律逐功臣殺宗子妾為妻則火

不炎上也

漢五行志曰讒人昌初勝正則火失其性宗廟宮館災是火不炎上也

火無煙

南燕錄曰慕容超大正五年南郊柴燎烟起而煙不出

靈臺張光令秘於中書侍郎王景暉曰煙者國之種今火壯煙滅國其亡乎

大唐開元占經卷之一百卷終

大唐開元占經卷之一百一卷

霜

元命包曰陰陽凝為霜 易坤卦曰初六履霜堅冰至象曰履霜堅冰陰始凝也馴致其道至堅冰禮記月令曰季秋之月霜始降百工休孟冬行秋令則雪霜不時

考異部曰霜者陰精冬令也四時相伐以霜收殺霜之為言亡也物以終也

曾子曰陰氣勝凝為霜 授神契曰霜者挫物也

地鏡曰視屋瓦上獨無霜者其下有寶藏
京房曰凡候霜下早晚若正月一日雷知七月一
日霜下若二月一日雷即知八月一日霜下
霜者行刑罰也霜者所以成萬物也刑罰者所以
誅惡人者也刑一以懲千殺一以全万非人君居
位則刑罰妄行誅殺不當故天應以殞霜於夏臣
依公結私誅殺無罪霜下在上却忠臣依公結私
以緩有罪霜附木殺罰不由上霜見風而飛此皆
刑罰不法之應

霜下或未見日而欲消暘者此人君以喜怒行刑
罰也 霜或見日而不消暘此人君執法堅不可
犯也 天陰不見星而有霜者此臣下擅行誅罰
也 興兵妄誅厥災其霜殺五穀誅不原情茲謂
不仁 冬先雨乃殞霜有芒角賢聖遭害其霜附
木不下地

考異郵曰穆公即位仲夏霜殺草日不消
僖公即位殞霜不殺草梅李實不殺草者臣威強
梅李大樹此草為貴是君不能伐也

定公即位墮霜殺菽菽者稼最強季氏之萌也
天鏡曰霜非時而殺草木是謂陰隆臣強君弱下
不事上 京房曰春下霜七日七年聖人戒

春秋命曆序曰桀無道夏墮霜

師曠曰春夏一日有霜雪者人君治政大嚴大苦
大殺天以示之何以言之霜威殺萬草作大殺也
見變如此宜損威殺重人命

京氏曰夏霜君死國亡

霜下或無芒者此人君行刑罰而哀憇其人也

霜下無芒此人君觀過刺不深也

芒或旁指者此人君旁言而刑人也

霜下或芒嚴者此人君刺過深也

芒或白下者或如露獄者此人君盡欲如法一姓
服屬也 霜下或同類之物或不死此人君知人
有罪同獨有所緩不誅有以平法誅者

霜下或翩翩狀如雪者此人君知人有罪不以為
意也亦不出於獄牢也

霜或止於樹頭而不下地者此下情決罪而上不

下也 霜下或其擇於物者此人君欲殺直而下
即之也 晝夜不明而墮霜者皆君臣有行刑或
心疑而徑行之霜亦隨之於春

霜下重其日溫者此行誅或依法深淺故日溫也
霜不下而物自以寒死者此邪臣執法周密衆人
不知物不行霜而死也

夜雨雪旦為霜為人君率臣重以為嚴也

雪

元命包曰陰陽凝為雪

晉朝雜事曰太康七年河陰雨赤雪

京房易曰夏雨雪國殃必有喪後司馬為亂君死

國亡

天鏡曰秋雨雪百姓多死草木零落天下大喪雪

下厚三尺以上軍兵大起

雹

考異郵曰陰陽專精凝合生雹雹之言合也

董仲舒曰雹者陰氣脇陽也

京房曰凡雹過大人君惡聞其過也抑賢不興通

貪犯人通取利加幣私施所人專施不普當雨不
兩及雹下和人有却則諛政退人欲惑其君故雹
傷生 感精符曰大臣擅法則雨雹

雹殺飛鳥此人君信諛佞之言行譴罰於庶人
月令曰仲夏行冬令則雹凍傷谷

京房曰雹下或毀瓦破碎車殺馬牛者此人君任
小人伐其人

雹下盡剝樹木之枝又害五谷此人君賦歛酷民
有殺者

汜勝書曰雪者五穀之精

魯子曰陰氣勝則凝為雪

穆天子傳曰冬雪盈尺年豐盈

八節占曰冬有積雪歲美人和

冬初寒降雪盈尺年豐歲稔之候

董仲舒曰太平之世雪不封條陵弭毒害而已

考異邠曰庚辰大雪雪深三尺并者四尺

京房曰雪附木者此人君聽佞言殺忠臣也

雪未至地而復上久而復下此人君欲寃死罪

雪而溫者此人君脫有罪

雪者陰氣威也小人係公結私以脇其主而專其
權故雪二月九月而不已此執法權政以成賊理
故雪厚為旱薄則為水皆一百九十二日
天鏡曰春雨雪不消妻黨專政擅將君威天下饑
民死亡

易卦通驗曰乾得坎之寒則夏為雪

天鏡曰夏雨雪必有大喪天下兵起

詩雅度覽曰違天地絕人倫則夏雨雪

雹下或多狀如積雪者此臣欲殺君也

雹下或盡敗人禾稼者君囚眷庶有罪執殺之

雹下或霜俱降者此人君私和人從後過而誅之

雹下極地而暘者此人君私和人而下成之

雹下狀如積冰者此臣欲殺人君也

雹下或多芒狀如雪者此人君欲害人而甚者也

雹下或如梨實者此人君大亂庶人而惡甚者

雹下或與風俱降者此人君施天亂其寒過度深罰

雹下或狀如珠者此人君欲責害人而甚者

漢書五行志曰天雨雹常寒之罰

武帝元封三年十二月雨雹大如馬頭

靈帝地節四年山陽濟陰雨雹如鷄子深二尺五寸殺二十餘人皆霍氏誅徵也

安帝永初三年雨雹大如鴈子傷稼時鄧后專政
晉中興書曰大和三年四月雨雹是時海西昏亂
相龍朱實專淫逆 天鏡曰夏雨雹民饑

大元二十一年四月雨雹是時王道子輔政姦佞
竟進烈宗不能禁絕王室大亂

霧

元命包曰陰陽亂則為霧

莊子曰騰水上溢故為霧

爾雅曰地氣發天不應曰霧

董仲舒曰太平之世霧不塞望

東方朔曰凡霧氣不順四時逆相交錯微風小雨
為陰陽氣亂之象從寅至辰巳上周而復始為逆
者不成積日不解晝夜昏暗天下欲分離

京房易曰甲乙日有霧疾病丙丁日有霧旱戊己

日有霧隣國有城拔無軍有土功事庚辛日有霧
主有兵壬癸日有霧為水

冬霧及其時日終而霧馬馳人走不雨霧曰兵起
帝王世紀曰黃帝五十年秋七月庚申天大霧三
日三夜霧儉帝遊洛水之上見大魚負圖書命河
圖帝視崩篇是也

河圖曰山冬大霧十日以上不除者山崩之候也
又曰山水之脉絕也

郝萌曰凡霧四合有虹各見其方隨四時出氣青

黃更相掩

運斗樞曰四濁霧下天下寃

晉天文志曰晝霧夜明臣君得伸

孝經洞寶丹曰世無道皇不用孝法兵經五霧並
起蒼蒼鬱鬱淫淫蔽四方

天鏡曰天而霧如黃土百姓勞苦奔亡不安其名
曰黃霧

漢成帝時王太弟封侯其夏黃霧四塞

晉中興書曰大寧元年黃霧四塞後王敦之應

咸和元年大霧步武不相見會稽王遁子專政之
應也

陸機別傳曰機被誅之日大風折木天地霧合
兵書曰白霧四面圍城必有兵到城下不出其日
史記曰上至平城匈奴圍上七日大霧漢使人未
往胡不覓

抱朴子曰白霧四面圍城不出百日大兵至城下
黃帝曰霧者百和之氣陰來冒陽姦臣搖權立威
荊州占曰晝霧夜明臣志得伸夜霧晝明臣志不

伸霧終日終時君有憂色黃小雨
凡霧氣四方俱起百步不見人名曰晝昏不有破
國必有戒門

郝萌曰霧從夜半至日中不解逆上為霧君不悟
行和政於百姓遇日中而侶兩強氣所避

河圖曰霧乍散臣欲謀君為逆者不成自亡
甘氏曰霧秋以庚申辛酉日氣色白東行為利客
先舉兵者勝後舉兵者敗

巫咸曰霧夏以丙丁巳午日赤黃氣西行為利客

主人凶

海中占曰霧冬以壬癸亥丁日氣青黑色興軍動
衆

冰

地鏡曰冰以春冰者兵其歲不成水夏冰胡兵將
起太上無病而死大饑民流秋冰下臣憂大兵起
左傳成公十六歲年春正月雨水冰寒過節冰著
樹也

谷梁傳曰陰陽失度將寒過節雨而水冰志異也

根枝折

黑子曰三苗大亂天命葬之夏冰

京房曰夏水凍冰者國君有疾病民流亡五谷不
成人民大飢 說苑曰秦始皇即位夏冰

地鏡曰水三月至八月忽有冰者大兵喪

漢書五行志曰劉歆云陽施不下通陰施不上達
故雨之水為冰或凝於木木者曲直也劉向以為
冰陰之隆木少貴臣象此人將有害則陰氣脇木
叔孫喬如出奔公子懼誅死公見執辱之異也

或曰長者名木冰為木介介甲兵象也
晉中興書大興三年二月雨木冰後有王敦之難
京房易曰夏而凍兵其鄉有流亡之兆
地鏡曰水冬不冰冰易王或有兵饑饉

寒

京房曰有德遭險茲謂逆命厥異寒
洪範五行曰所之不聰是謂不謀厥罰恒寒
京房易曰夏有道冬人民行訢
晉中興書曰大興四年冬大寒民凍死是時王敦

肆行而天子不能禁任意專政殺戮忠良及無辜
夏而大寒其國有急 冬而不凍澤其鄉有疾病
冬至後十日不凍人君令不行刑法不嚴
一日緩死罪不誅

露

元命包曰陰陽散為露 又曰露以潤草
魯子曰陽勝則散為露 論衡曰露秋氣所生也
蔡氏月令曰露者陰液也暉為露
易通卦驗曰立秋白露下

運斗樞曰天樞得則甘露降

五經通義曰和氣津凝為露從地出

禮運曰聖王所以為順而弗勃也天降甘露地出醴泉命曆序曰桀紂無道露冬下

呂氏春秋伊尹說湯曰水美者三危之露和之美者雩之露甘色紫

地鏡曰圖視山川多露無霜者其下有美玉

瑞應圖曰耆老得數則栢受甘露賢受老不失細微則竹葦受甘露

霾

爾雅曰欲風不風欲雨不雨而下土者曰霾

郁萌曰凡天地四方昏濛若下塵十日五日已上或一月或一時雨不沾衣而土名曰霾故曰天地霾君民乖不大旱外人來

曠

爾雅曰陰而風為曠說文曰曠者天地陰沉也

紀年曰帝辛受時周天曠

周昭王十九年天大曠雉兔皆震

惠成王元年晝晦十六年邯鄲四體室多壞民多
死亡

霰

說文曰霰集雪也從兩散声

釋名曰霰星也水雪相搏如星而散

爾雅曰霰為消雪 曾子曰陰之專氣為霰

郭璞注云霰者水雪雜下故為消雪也

毛詩曰如彼雨雪先集維霰注云霰暴雪也或云
雪上遇溫氣而搏之則霰也

霽

說文曰霽者雨止雲罷天朗氣清晴明者也

晉中興徵祥說曰咸和四年陰霽五十餘日蘇峻
滅後乃霽

魏畧五行志曰延康元年大霖雨五旬外魏有天
分乃霽將受天祚之應也

濛

釋名曰濛日不明濛濛然也

京房曰臣祗祿及親茲謂岡辟厥異濛行善不請

於上茲謂作福濛一日五起五解辟不謀臣臣辟
異道上濛下霧玄嗣子疑茲謂動欲濛赤日不明
利和以食滋謂閉上濛大起日不見若雨不雨十
二日解祿生於下滋謂誣君濛微而小雨已乃大
雨臣相攘善茲謂盜明濛黃濁下陳功於上茲謂
不知濛微而赤風鳴條夜復濛不解
春秋潛潭巴曰大濛三十日群猾起
抱樸子曰若濛氣圍城或入於城則外兵得之
若濛氣從內出主人出戰

尚書中候曰禁無道地吐黃黃是濛也

禮記月令曰仲冬行夏令濛氣冥冥

孔演圖曰猾待期則赤濛沾冠

黃帝占曰凡連陰十日晝不見日夜不見月乱風
四起欲雨無雨名曰濛臣謀君故曰久陰不雨臣
謀主

郝萌曰濛霧者和氣也陰未衝陽姦臣謀君在天
為濛在人為霧日月不見為濛前後人不相覩為
霧也

荆州占曰夜濛晝明臣謀政晝霧夜明臣得伸其志也

大唐開元占經卷之一百一卷終

大唐開元占經卷之一百二卷

雷

易卦說曰震為雷動萬物者莫大於雷

河圖曰陰陽相薄為雷雷者天地之鼓也

洪範五行四曰雷者諸侯之象也

黃帝以雷精起元命包曰陰陽搏為雷

尚書中候曰秦穆公出狩天震大雷下有火化為

白雀啣丹書集公車

史記曰漢高祖母劉媪常息大澤之阪夢與神遇

時雷寔冥晦見蛟龍於其上而已有娠遂產高祖
京房曰凡雷者陰陽合和震動萬物使各戴其元
而起故雷以動聞百里或聞七十里或聞五十里
或聞二十里各應其德而起以應人君行之動靜
或雨且雷和氣令雷聲殷殷輻輳風雷微善皆陰
陽和利豫之兩象君臣百姓和合也

論衡曰圖書之士圖雷之狀纍纍如連鼓形又圖
一人若力士之容謂之雷公

風俗通曰雷已發聲作雷令人腸中雷鳴故雷不

作雷也

京房曰雷者月當有効於消息以為主聲聞於人
雷之為政大壯始君臣強從解起

雷初起乾宮人民多疾病起坎宮國邑多雨起艮
宮禾登桑長五穀賤起震宮五穀暴貴多傷起巽
宮雨霜傷五谷起離宮夏少水旱蝗虫起坤宮蝗
蟲害五穀起兌宮兵起銅鉄貴

雷起水門流潦滂沱雷起天門人民不安雷起石
門蝗虫食禾大凶雷起木門棺木貴歲大熟雷起

風門早霜傷禾雷起金門銅鉄大貴雷起火門夏旱蝗蝻食田雷起土門五谷賤魚不長雷起鬼門人民當暴死

春始雷東方東方五穀盡熟人民蕃殖以夜雷歲半熟雷始南方歲小旱夜雷大旱糴貴種不成

雷始西方小谷有虫夜雷及六畜災病雷始

北方五穀不熟有曝骨其野馬牛大病

或中央

夜雷赤地千里糴貴

川皆溢

雷始北方海水出百川皆流溢五谷不成夜雷百

春不雷而霜樹木以風落皆為人疾病

春三月甲子己丑戌寅辛卯戊午有雷霹靂石其

下有兵

春夏甲子丙寅戊子有雷殺人無兵兵起有軍在

外大戰期不出五十日

夏三月雷電不聞多疾病害五穀

夏三月甲子己丑戌寅辛卯疾風雷其城壞軍在

外大戰戊子日有雷電露者變土易民以其雷入

月深淺日當月或當一歲不出其月必亡國死王

庚子日雷必有惡令期不出三十日或有兵令
庚午日雷不出其月兵起甲子雷亦主兵

春己丑丁丑夏甲午壬戌秋己亥丁未冬甲寅又
曰春戌寅夏戊申冬戊子不雨而雷雷之所逮有
死將流血戊子日雷雨三日止其下大戰不雨而
雷外兵必歸不雷而兩兵起必阻

王者動事不時正月大雷動事不明但雷而不雷
當雷不雷大陽弱此君若臣強臣奪君政故春分
之後當雷不發聲君當揚威武退強臣正治道雷

發聲矣人神德隆雷鳴盛春

秋分雷春分不雷秋分不雷春分雷春過一日秋
亦過一日

春雷不發秋雷不藏君死國亡

冬雷上朔皆為國亡所當之鄉骸骨盈野夜雷

然亦

冬雷者陽氣之盛應之冬以雷之日知何方鳴未
方各以其辰為方

冬三月有大雷聞千里者人君絕令霹靂者以兵
去聲溫者以弱去

天冬雷地必震教令撓則冬雷鳴民飢
冬雷不蟄茲謂自蔽萬物化不成

兵書云無雲而雷是謂天狗所當之國必有甲兵
王國偏空虛

冬雷而星不下當日之國王死其所
冬雷屈折不及三年有兵喪有更政

天無雲而雷者此君無恩澤於百姓國將易君萬
人不淨小人失命

雷声掩掩状如欲息雨踈無風此人君念憂百姓
雷只一声而止此人君出令重也雷而不雨此人
君欲動事無補於百姓有風令行無風令不行

雷風雨霹靂丘陵者逆先人之令

雷或霹靂大風甚兩發屋折木此皆小人處位賢
士隱遁

雷雨大風霹靂此皆人君用讒言刑殺正人又曰
上下不和歲少雷有雷不雨者有声無實也士走
霹靂破害賢人退位雷止其處亦然

夜半雷聞其声一若有電無雷皆為人君絕令一

名枉兵

雷中有霆此人君動令下不蔽欺明君

雷中有蛟龍出國有賢士正言不諛者隆中陰也

雷声格格兩下籍籍此人君無施百姓侮人

雷如聚火而徙此人君旦且絕之象雷皆生火有

所擊極陰生陽也

雷或霹靂無風雨者此皆剛柔不均激氣並作君

臣相忿爭惡令暴出

雷中霹靂甚大風雨俱至者此乱令大作百姓動

雷之發声於坎多水於艮山崩於震多風於巽必

大風起於離大旱起於坤水土有土功工興於兌

兵起於乾天象

雷声或在東或在西或在南或在北者此人君為

政不知所去就也

先雷後雨雨不濕土先雨後雷屋舍崩墮

師曠占曰春雷始起其音相拍拍格格或隱隱輕

細其年和順若霹靂震動謂雄雷主旱氣也其鳴

依依音音不大霹靂者謂雌雷主水氣也

春不雨有雷音在地中者其所者兵起其下
禮記月令曰春日夜分雷乃發聲有不戒其客止
者生子不祥必有凶災

天鏡經曰冬雷震動兵起大飢

晉中興書曰昇平二年十一月雷是時皇太后臨
朝政舒緩

洪範五行曰秦二世元年無雲布雷雷陽也雲陰
也有雲然後有雷有臣然後有君也無雲而雷于
君獨處無人民也

河圖曰臣僭大者下犯上則雷電擊朝

京氏曰人君承用節度即雷風以節暴行威福則
雷電擊人其救也議獄緩死則災消

京房對熒異曰雷鳴連而不絕者此謂人君政事
無常民不恐懼

雷電俱出或先鳴而後電者此謂執法貪苛

霹靂

春秋繫露曰霹靂金氣也其音故應以辟歷也
說文四震霹靂振物也

釋名曰霹靂折也所歷皆破折震戩也所擊輒破
攻戰也

范子計然曰天者變化行精氣者也今者謂暴風
雨霹靂也

晉朝雜事曰元康七年霹靂破城南高媒后高媒
中宮求子象也賈后妬忌將殺懷愍天怒霹靂又
賈后將誅應也

搜神記曰扶風楊道和夏於田中值天雷雨正桑
樹下霹靂擊之道和以鋤格折其左股遂落地不

得去面如丹目如鏡手如牛角長三尺餘狀如六
畜頭似猴鬚

續搜神記曰吳興人章荀者夏日於田中耕以飯
蘿置菰裏晚飢求食而飯以盡此非一後日於菰
中伺之見一大蛇偷食其飲荀即以鑊刈之其蛇
便走去荀乘舡逐之至一墳有穴蛇便入穴但聞
啼哭人云斫其甲或云當如何或言符雷公命霹
靂殺奴須臾雲雨四合震傷荀荀於是跳梁大罵
云未公我貧窮展刀耕墾蛇未偷食我飯罪應在

蛇反更未霹靂許是無知雷公若未今當以鑊斫
汝腹須臾雲雨輒開乃更還霹靂向穴謂蛇死者
數十條而已

天鏡曰雷霆擊宮庭中大夫欲逆五年交兵流血
合誠圖曰霹靂擊於殿女宮急

潛潭巴曰霹靂擊宮室君情泄下有謀起

春秋繁露曰王言下不從革而秋多霹靂

天鏡曰雷霆擊宗廟是謂天戒人君暴亡不出八
年前地奪國

雷電擊貴人從官車騎此乃人君惑於佞人失和

雷霆擊人君正殿此謂重陽之戒以佞人持政不
出六年地削君亡

漢獻帝初平二年無雲而霹靂殺人

晉中興書曰元興三年秋永安王皇后自己凌將
設威儀入宮天大雷震人馬一足俱懦

大元年塞舍章殿四柱殺內侍三人

電

河圖曰陰激陽為電電者陽精之發也必先電而

雷隨之者正若雷先鳴而後電者陰勝其陽占曰
為人君失德賊臣將起

天官書曰電者陰陽之動也

莊子曰陰氣伏於黃泉陽氣上通於天陰陽交爭
故為之電 釋曰電者殄也乍見則殄滅也

京房曰電生火有所擊極陰生陽之應

電色黃有電色赤有大風電而無雷君絕命

董仲舒曰太平世電不眴日霄示光耀而已

易稽覽圖曰大電繞樞星照郊野感符室生黃帝

霆

京房曰凡霆者金之餘氣也金者內鏡而外其人
君即位乃先敎謀而內尚賊心陰行衆物舉事發
微自以為明虛言妄據深依以考凡事亦自以為
能矣

故無雲而霆霆或為火者此人君以暴罰也

霆如聚火者其起而復此人君將喪之象也

霆或中天而見此人君自以為明也

霆如皎純光明而正者此人君行明而直也

霆上赤下至地而復上者此人君好聽讒言也
霆或東西南北皆有者此人君行後不避四時也
霆或正直而長光明者此人君行微人不知曲直
霆或正黃澤者此人君行明雖得事實取其中也
霧而霆者人君默行不得事實而亂不息下將
霆瞬瞬暉暉者此人君實不知而自明也
霆或變變明之而後息者人君譏間內直言之事
霆或無雲而以昏數見者此人君誠以微言而害
人也 一曰默言

霆如皎蛇明耀久而後止者此人君行不明莫以
為是也

天陰不雨但有霆者此人君陰行欲以求事實也

大唐開元占經卷之一百二卷終

大唐開元占經卷之一百三卷

曆法

上元甲子距今麟德元年甲子歲積二十六萬九千八百八十算外

上元甲子距今大唐開元二年甲寅歲積二十六萬九千九百二十算外

章歲三萬九千五百七十 總法一千三百四十

章歲四十八萬九千四百二十八

半總法六百七十 章閏一萬四千五百七十六

辰率三百三十五 閏分一千二百一十四奇八
奇率一十二

曆周四十四萬三千七十七 旬周六十

月法二十九日餘七百一十一

弦月七日餘五百一十三九奇

氣法一十五日餘二百九十二十奇

曆法二千七百餘七百四十三十奇

推朔端術

置上元甲子距今所求年算以章月乘為歲

除為積月餘為閏餘以閏餘減歲分為朔分總除
為積日餘為小餘以天正小餘減朔分餘為總實
求次朔以月法加求閏餘以閏餘加求弦以弦各
加其朔得上弦以次轉加望下弦及求月朔也

推入曆術

以曆周去摠實余以變奇率乘之滿變周又去之
余以奇率除為余不盡為奇又以天正朔小余加
其余摠法除為日不盡為余命日算外即所求年
天正恒朔入曆日及余

求次朔及弦望准前術

滿曆日及余奇則去之

求夜半入曆各以其恒小餘減

推中氣術

各以閏餘加其恒朔小餘即其氣節以氣法加

推加時術

各以六乘其小余辰率除殘以五乘四有二除為辰殘又以六乘如前除為列分命時起子半算外即加時所在辰及刻分

求定氣術

冬夏二至即以恒氣為定自外各以氣下消息數

息減消加其恒氣小餘

滿者不足進退其目

各得所求

加者為盈氣減者為縮氣足其盈縮氣所在故曰定氣

推日中影及消息盈縮定數術

各置其所入氣後氣數牙相減余以乘所入如算

十五各以加減其數為定

前少加之前多減之其求入曆定遲速及星者

做此入氣十五算者加之十六

推朔弦望盈縮經辰所入術

置所入日遲速數分後日數牙相減余以入曆日

余乘以撻法除得以加減遲速數為定

推定朔弦望術

各以其日遲速盈縮定數曆連減遲加氣盈如縮
恒小余滿若不足進退其日命以甲子算外即各
所求

推定月大小術

其定朔日名十干與來月同者大不同者小月無
中氣者為閏若正月亥酉時正見消息前後各一
以之大小今虧在晦二其弦望亦隨事消息月朔

大小若遇數三者觀定小余近夜半者量定其弦
望以五乘定小余揆法除為刻即各其辰所入刻
數皆減其晨刻不盡為辰後刻不滿晨前刻者從
前日注相候

推土王術

置四季之節加大餘十二小餘二百三十五即其
氣後土王之日也

推沒日術

氣小餘一千四十七已上以九乘之又以十五乘

小分從以減沒分從以減沒分十二萬二千三百五十七餘以沒法一千七百五十七除為日不盡為餘以日數加氣大餘即各氣內沒日

推每定氣初日夜半日所在定度術

各以其定小餘減其氣日度分命以宿次即其夜半日度及分求次日日加一度又各以其日纏差率進加退減度分

各以定小餘加其日夜半日度分即加時所在

推朔加時月所在度術

朔加時日所在為合朔日月同度望加其望日時度一百八十二分百三十四四十二

推朔定日夜半月所在度術

各以其定小餘乘所入曆日離程總法而一為夜半後分以六十七除為度余為度分以減其日加時所在夜及分命以宿度求次日各以離程加減若至其朔即別起其端不得因前而加之

推定氣日晝夜漏及日出沒時術

倍其氣晨前刻及分漏法從刻為日不見漏以

減百刻餘為日見漏加日見漏五刻為晝漏以晝
漏以晝漏刻減百刻餘為夜時刻四刻十二
加晨前漏刻命起子刻算外即日出晨命晨刻以
日見漏加日出辰刻以次如前即日沒所在晨刻
以二十五除夜漏得每更一算之數以二刻三十
六分加日沒晨刻即半夜即卯晨又以更籌數加
之得半夜一算數以次累滿晨去命之即五更籌
所當辰亥及分也以既二十一前一前夜漏漏法

推昏明去中星度術

日求其晝夜漏刻數以乘歲實二百乘搃法而除
之得昏去中星度以減周天度餘為晨去中星度
以闡明去中星度加其辰所在即各其日中星度
數其候舉粗尋者加其夜半日度亦各其日中星宿度

因求次日者各置其日刻差七十三乘之二百八
十八而一為度差漏十為度冬至後加夏至後減
隨日加減各得其度每日去中星度晨昏所距日
在黃道中星准度以赤道

曆日

離程

連數

一日九百八十五	增六百四十四	速初
二日九百七十四	增一百一十七	速一百三十四
三日九百六十二	增九十七	速二百五十一
四日九百四十八	增七十八	速三百五十一
五日九百三十三	增五十六	速四百二十八
六日九百一十八	增四十三	速四百八十四
七日九百二	增九十九	速五百一十七
八日八百八十六	增減一十四	速五百二十六
九日八百七十	增減三十八	速五百十二

十日八百五十四	減六十二	速四百七十四
十一日八百三十九	減八十	速四百一十二
十二日八百二十六	減百四	速三百二十七
十三日八百一十五	減百二十	速一百二十三
十四日八百八	<small>初減二百一 未增二十九</small>	速一百二

曆日 離程 遲數

十五日八百一十	增一萬二十八	遲二十九
十六日八百十九	增一百一十五	遲一百五十七
十七日八百三十二	增九十五	遲二百七十二

十八日	八百四十六	增七十四	遲二百六十七
十九日	八百六十一	增五十二	遲四百四十三
二十日	八百七十七	增二十八	遲四百九十三
廿一日	八百九十三	增四	遲五百二十一
廿二日	九百九	減二十	遲五百二十五
廿三日	九百二十五	減四十四	遲五百五
廿四日	九百四十	減六十八	遲四百六十一
廿五日	九百五十	減八十九	遲三百九十三
廿六日	九百六十八	減百八	遲三百四

廿七日	九百七十九	減百二十五	遲百九十六
廿八日	九百八十五	<small>減百三十四 初減七十一</small>	遲七十一

二十日氣日中影消息數盈縮數晨前刻及分昏
去中度定日度及寄冬十一月中一丈二尺七十
五分息初先盈末三十刻八十二度二分斗十二
度

赤道度

斗	<small>二十六</small>	牛	八	女	<small>十二</small>	虛	<small>十</small>	危	<small>十七</small>	室	<small>十六</small>	壁	<small>九</small>
北方九十八度斗分三百二十八													

奎十六 婁十二 胃十四 昂十一 畢十六 甯二 參九

西方八十度

井三十三度 鬼四 柳十五 星七 張十八 翼十八 軫十八

南方一百一十二度

角十二 亢九 氏十五 房五 心五 尾十八 箕十一

東方七十五度

黃道度

斗二十四度及分 牛七 女十一 虛十 危十六 室十八 壁十

北方九十六度

奎十七 婁十三 胃十五 昂十一 畢十六 甯三 參十

西方八十三度

井三十 鬼四 柳十四 星七 張十七 翼十九 軫十六

南方一百九度

角十二 亢十 氏十六 房五 心五 尾十八 箕十

東方七十七度

終率一千九十三萬九千三百一十三

奇率三百 約終三萬六千四百六十四

奇一百一十三

交中一萬八千二百三十二 奇五十六半

虧朔三千一百六 奇一百八十六

望實一萬九千七百八十五 奇一百五十

後准一千五百五十三 奇九十三半

前准一萬六千六百七十八 奇二百六十三

推汛交分術

置摠實以終率去之不足去者奇率乘之滿終率
又去之奇率約之為天正恒朔夜半入交分不盡

為奇

恒以天正恒朔小余朔汛交分交加分即天正

求望汛交分以望實加之求次朔者以虧朔加之
滿約終去之

推朔望定交分術

以六十一乘定遲速數以七百七十七除之所謂
為限數及入氣盈縮加減汛交分為定交分

推入蝕限術

入交定分如交中已下為月在外道交中已上以
交中減之余為月在內道內外分如後准已上前
已上者為入蝕限望則月蝕朔入限月在裏者蝕

入限如後准已下為交後分前准已上及減交中
余為交前分置前後分以一百一十二約之為去
交時數

推日月蝕所在辰術

如求律氣應加時法得加時所去辰月在衝辰蝕
若非正見者於日出及日沒前十二刻半內求其
初末以候之

求月在表朔蝕准夏至初去交前後二百四十八
分為初准已下加則午正前後七宿刻內者蝕又

夏至前後每一日損初准二分畢於前後九十四
日各為每日變准若變已下加時如前者蝕又以
末准六十減初准及變准余以十八約之為刻准
以算午正前後七刻數百時准加時去時准內去
交如末准已下前蝕又置末准每一刻加十八為
差准加時刻去午正前後如差准刻已不去交分
如差准已下者甚蝕秋分至春分去交如末准已
下加時南方三辰者二蝕求月在裏朔不蝕准夏
至日去交一千三百七十三為初准已上加時午

正前後十八刻內或不蝕又夏至後每一日盈初
准上分半畢前後九十四日各為每日變准以初
准減變准余十而一為刻准以減午正前後十八
刻余為時准去交在變准已上加時准內或不蝕

推月蝕分術

置去交前後定分冬交前皆去五十秋交後去二
百交前去一百不足去蝕既有蝕者以減後准一
百四而一余半已下為半弱半已上為半強命以
十五滿限得月蝕之大分

月在内道蝕

初起東南蝕甚西南

月在外道蝕

初起東北蝕甚西北十三分已上正
東起皆遠正南而言之

推日蝕分術

月在内道冬至畢雨水秋分畢大雪以五百五十
八為差自入春分已後日損六分畢芒種

夏至初日無差

自後日益六分畢白露

置去交前後定分皆以差減不足減久減差為不
蝕余小滿畢小暑加時午正前後七刻外去不蝕
餘一時三刻內即加一時大寒畢立春交前五時

外大暑畢立秋交後立時外皆去不蝕餘一時五
時內即加一時月在外道冬至初日無差自後日
益六分為畢雨水自入春分畢白露皆以五百二
十二為差自入秋分已後日損六分畢大雪所損
為差以差加去交定分為蝕分以減後准余為不
食分各置差十五約之以減一百四餘為定法以
餘不餘小得為分餘半法已上為半強已下為半
弱以減十五余為蝕之大分月在內道日蝕初起
西南蝕甚東北

月在外道日蝕

初起西南食甚東南十三分

已上正西起亦據正南而言之

推日月蝕虧初及復來刻術

置朔望蝕大分為率五已下增二已上增三十已
上增四十三分已上增五為蝕用刻以四乘十除
得減蝕甚刻為虧初又六乘十而一以加蝕甚刻
為復來辰刻其月蝕甚初末夏籌其日月所入辰
刻及分依前定氣所遇夜刻更籌術求其初末及
其時更籌

推五星率伏術

歲星

率五十三萬四千四百八十二 奇四十五

伏分二萬四千三十一 奇二十二半

熒惑

率一百四萬五千八十 奇六十

伏分九萬六千九十 奇三十

填星

率五十萬六千六百二十三 奇二十九

伏分二萬四千八百四十一 奇六十四半

太白

率七十八萬二千四百四十九 奇九

伏分五萬六千二百二十四 奇五十四半

辰星

率一十五萬五千二百七十八 奇六十六

伏分三萬六百九十九 奇三十三

推五星終日餘奇伏見術

木終日三百九十八餘一千九百六十三奇四十五

火終日七百七十八餘一千二百二十奇六十
土終日三百六十八餘一百三奇二十九

金終日五百八十三餘一千二百二十九奇九
夕見伏二百五十六日晨見伏三百二十七
餘奇同終分奇

水終日一百一十五餘一千一百七十八日奇

六十

夕見伏五十二日晨見伏六十三日

餘奇同終分奇

推五星平見術

各以伏分減總實余以其星率去之余及減率余
總法約為日不盡為余奇即所求年天正恒朔夜
半後晨夕平見日算及余奇天正定朔進退日者
進減加一日為定朔半夜後星平見日及余奇其
金水二星知得夕平見其滿辰見伏日及余奇者
去之余為晨平見之
命起天正定月大小去之不滿月命日算外即各
所求

推五星定見術

各置其星平見所入氣計日損益滿半總為日不

滿為分以損益所加減訖余以加減平見日及分

為平其日消息定數息減消加之即其定見分

歲星 初見去日起十四度 見入冬至 畢小寒 減六

日 已後日損十七分 春分初日平 已後日加八十

五分 立夏畢小滿加六日 已後日損八十九分 夏

至畢立秋加四日 已後損百七十八分 自白露初

日平 已後日減五十三分 小雪畢大雪減六日

熒惑 初見去日十七度 見入冬至初日減二十七

日 已後日損六十三分 大寒初日平 自後日加四

計二分 雨水畢穀雨加二十七日 自入立夏已後

日損一百九十八分 立秋平 自處暑已後減百九

十八分 小雪畢大雪減二十七日

填星 初見去日十七度 見入冬至 初日減四日自

後日益八十九分 大寒畢春分減八日 自清明已

後日損五十九分 小暑初依平 自後日分八十九

分 白露初日加八日 自後日損七十分 秋分加四

日 自後寒露已後日損五十九分 小雪初日依平

自後日減八十九分

太白初見

加八日自後日損去日十一度夕見入

冬至初日依平

自後日減一十分 驚蟄畢春分減

九日

自入清明已後日損一十分 芒種依平 已入

夏至後日加一百分 處暑畢秋分九日

自入寒露

已後日損一百分 大雪依平

自入大寒已後日加

六十七分 立春畢立夏加三日

自入小滿已後日

損六十七分 晨見入冬至依平

自入大寒已後日

加六十七分 大雪依平晨見入冬至依平

自入大

寒已後日加六十七分

立春畢立夏加三日

自入

小滿已後日減六十七分

夏至依平

自入小暑已

後日減六十七分

立秋畢立冬減三日

自入小雪

已後日損六十七分

辰星初見

去日十七度

夕見冬至畢

清明依平

穀

雨畢芒種減二日夏至畢大暑依平立秋畢霜降

應見不見其在立秋及霜降二氣之內夕六日十

八度外三十六度內有木火土金星已上者夕見

立冬畢大雪依平辰見入冬至減四百小寒畢大

寒依平立春畢啓蟄減三日其在啓蟄氣內去日
度如前辰無木火土金一星 已上不見 雨水畢立

夏應見不見其在立夏氣內去日度加前有

木火

金一星已上者必見

小滿畢寒露依平霜降畢立

冬加一日小雪畢大雪依平

推星見所在度術

置星定見日夜去日所在宿度算及分以定見余
加其夜半度分乃以其星初見去日度數晨減夕
加之即星初見辰所在宿度轉求次日夜半星行

所至各以一日所行度及分順行逆減之有小分
以日率為母小分滿母去後行分一行分滿半摠
去後度一其行有直疾益遲者副置一日行分各
以其差疾益遲損乃加之留者因前逆則依減得

每日所至

其五星後順留遲所終日度各依伏求

其去日遠近省息日度之

率以定伏日所在若注

曆其日月及金水等皆矣分其

推平行度分術

置定度率以半摠乘有分者從之以日率除所得

為一日行分

求差行初日行度分術

置定日率減一以所差分乘半之為差率益疾以

差率減益遲以差率遲加平行分即初日行分

歲星初順差行 先疾日 益遲一分一百一十四百

行一十八度五百九十四分前 留二十六日施退

差行 先近 益疾二分四十二日 退六度 十二分又

退先 疾益遲二分四十二日 退六度 十二分後留

二十五日後順差先遲日 益疾一分一百一十四

日行一十八度五百九十四分盡而夕伏 原狀字

熒惑 前日 率加 減度 率加 疾率 行限 減率 前遲日

率疾 率退 率度 率後 留日 率後 疾日 率行 限

冬至 二百四十 三依平 百六十五 六十二 二十五 六十二 二十三 十三 二百十 一百三十二 平行

小寒 二百三十 二後平 二行 一百五十五 同前 同前 同前 二十六 十五 百九十五 六行 一百四十五 十七

大寒 二百二十五 依平 差行 百四十七 加四 五十五 同前 三十二 二十五 百十八日 七 一百二十九 十四 十二 平行

立春 二百一十 八減 二 一百四十 同前 六十二 五 同前 十八 同前 一百六十八 平行 九十

雨水 二百三減 七 差行 二百二十五 六 同前 八百六十七 同前 同前

驚蟄 二百一十 減 五 差行 一百二十三 同前 同前 同前 同前 同前 十九 一百六十五 早行 八十三

春分 一百九十五 減十差行 一百一十七 平 同前同前 同前同前 四百六十三 十八 二百六十七 差行 八十八

清明 一百零八同前 差行 二百一十 加二 同前同前同前同前二十三 一百七十二 差行 九十三

穀雨 一百八十四 同前 差行 一百一十二 一百一十七 九十八 同前 同前二十四同前同前同前

立夏 同前 同前 差行 加四 同前二十三同前同前同前 一百一十九度半 行 六十六百 一百一十一

小滿 九日 同前 減五 差行 同前 同前同前同前同前同前 一百四 同前 一百二十六

芒種 一百六十三 九十五 平差 同前 二十四同前同前同前同前 二百二十九 十四日 二百四十一 二百六十二 同前 一百五十五

夏至 一百七十一 六百 九十三 平差 差行 同前 同前二十五同前同前同前 十日 同前 同前同前

小暑 一百七十四 九十六 平 差行 平 同前同前六十 十四同前 五日 二百五十三 半度 行 五十日 一百七十五

大暑 一百六十九 平 加四 同前同前五十六 十二同前 一百六十三 同前 一百八十五

立秋 一百八十四 二百六 平 平行 平 同前同前五十七 十一同前 同前 同前 行半度二十日

處暑 九十九 加五 一百二十一 半度行六十日 平 同前同前同前同前同前 同前 同前 平行 同前

白露 二百一十四 四十一 二百三十六 平度行四十四日 平 同前同前 同前 十二日 六十二 十七同前 同前 同前 平行 同前

秋分 二百二十六 同前 一百五十四 平度行 同前 六十 同前 同前 二十 五 二百二十五 二十行 一百七十七

寒露 二百四十七 一百六十五 同前半行 同前 平行 七十五 三十 同前 九日 六十六 二十四 平行 一百六十七

霜降 二百五十六 五日 二百五十六 二百五十九 五日 二百五十九 八十一 加四 六十二 二十五 同前 同前 二百二十五 一百五十七 同前 同前 平行

立冬 十三日 同前 同前 同前十七 同前 同前 二十四 二百二十六 平行 同前 十二 廿七 十二 二百十三 平行 一百四十七

小雪 二百五十八 一百八十 平行 同前 同前同前 同前 同前 八日 六十三 十七 平行 同前 二百一十五 一百三十七

大雪 二百五十一 一百七十二 平行 同前 同前二十 同前同前同前 二百五 平行 一百二十七

前留十三

前疾減日率者以其數分益北百及後遲日益
前疾加日率者以其數分比留及後遲日益

後順遲差行先遲日益疾二分六十日行二十五
度前疾加度者比遲依數減之為定疾無加度者
比遲入秋至立冬三度入立冬減五度後留定日
縮于三日者以所縮日數加比遲日率之

推熒惑平率及變率術

各以其所入氣數與後氣數平減余作日以加減
本率皆為平率其後疾變率前遲盈縮六十日行
二十五度退行六十三日十五度者以所盈縮日

度盈減縮加之准遲行度即盈加縮減其差行者
前疾先疾後疾先遲各日益遲疾分余皆平行後
疾日盡而夕伏

填星初順差行先疾日益遲半分八十三日行七
度二百九十分前留三十六日旋退善行先遲日
益疾退半分五十一日退三度三十分又退先疾
日益遲退半分五十一日退三度三十分後留三
十六日後順差行先遲日益疾半分八十三日行
七度二百九十分日盡而夕伏

太白夕見疾順入冬至畢立夏入立秋畢大雪一百七十二日行二百六度自入小滿後十日益一度為定度初入白露畢春分差行先疾自益遲二分自余平行夏至畢小暑一百七十二日行二百九度自入大暑已後五日損一度半氣盡啓蟄畢芒種七日行七度自入夏至後五日益一畢於小暑寒露初日二十三日行二十三度自後六日損一畢於小雪順遲差行先疾日益遲八分前疾加度過二百六度者准數損此度四十三日行十三

度夕留七日夕退西行十日退五度日盡而夕伏晨見初退西行十日退五度日退半度晨留也順遲差行冬至畢立夏大雪畢氣盡四十二日行十三度先遲日益疾八分自入小滿已後率十日損一度畢芒種夏至畢寒露四十二日行二十七度差行依前自入霜降已後氣數益一度畢於小雪平行冬至畢氣盡立夏畢氣盡十三日行十三度自行一度自入小寒已後六日益日及度各一畢於啓蟄入小滿後七日於日及度各一畢立秋兩

水初日二十三日行二十三度自後六日損度各一畢於穀雨處暑畢寒露無此平行自入霜降後五日益日及度各一畢大雪度行一百七十二日行二百六前遲行損度不滿二十度者此疾依數益之處暑寒露差行先遲日益疾一分盡余平行日盡而晨伏

辰星夕見順行十二日行二十一度六分行度五三分大暑畢處暑十二日行十七度一十分日行一度二百八十分平行七日行七度自入大暑畢

後一日損日及度各一入立秋無此平行順遲行六日行七度四日行二百二十四分疾行分二十七度者無此遲行

夕留五日日盡而夕伏晨見留五日行二度四日行二百四分自入大寒畢行於啓蟄無遲行順遲行六日平行七日行七度日行一度入大寒已後二日損日及度各一入立春無平行順疾行十三日行二十一度六日行一度五日三分前無遲行者十二日行十七度一十分日行一度二百八十

分各日盡而夕伏

大唐開元占經卷之一百三卷終



卷之四